

ducere solidæ; nec morari contumelias, persecutiones ac perversa judicia, si-  
quidem per CHRISTUM crucifixus sibi sit mundus (*dignius sanè & melius est  
crucifigere mundum, quàm (10) crucifigere Christum*, quum, juxta Augustinum,  
*non minùs peccent, qui blasphemant Christum regnantem in cælu, quàm qui crucifi-  
xerunt ambulantem in terris*) & ipse mundo, ita, ut, si mundus ob professionem  
doctrinæ crucis ipsum pro (11) piaculo reputet, ipse, par pari referens, vicissim  
mundum pro nihilo ducat, utpote cui pridem sit spiritualiter crucifixus &  
mortuus, ut & mundum ipsum contemnat & sinistra ejus judicia, quin & in-  
tentata pericula forti excelsoque animo excipiat: Hunc esse (12) canonem,  
hanc regulam, juxta quam incedendum (13) est, quæ pariat pacem & miseri-  
cordiam veris Israëlitis, nempe fidelibus Christianis. Scilicet videmus, nisi pla-  
nè cœcutimus, quomodo CHRISTI crux & passio à nobis sit tractanda: non (14)  
*judicemus quicquam scire nos, nisi sciamus Iesum Christum, & hunc crucifixum*, non  
in potentiâ politicâ, sed in ἀδειψία, non in fastu, sed in Φόβω, non in audaciâ,  
sed in τρόμω, non in persvasoriis humanæ sapientiæ logis, sed in ostensione spi-  
ritualis potentiæ & spiritus potentis, quæ est potentia & sapientia ipsius DEI in  
mysterio recondito, unde nobis nascitur summa gloria & utilitas. Quæ enim,  
quæso Te, illustrior sit gloria, quàm (15) filium Dei pro hominibus esse mortu-  
um; pro illorum peccatis & pœnis famem, sitim, frigus, defatigationes, obtre-  
ctationes, persecutiones, dolores, paupertatem, vincula, flagra, spinarum  
compunctiones, immò acerbissimam crucis mortem sustinuisse? Quanta hæc  
amoris flamma, pro vilissimo & ingratiſſimo servo in (16) mare illud passio-  
num sponte semetipsum immerſisse? Quem innocentia & justitia sua ab omni-

(10) Ebr. VI, 6. (11) Vides allusum ad περιλάττωμα & περίψημα I. Cor. IV, v.  
9-13: quod posterius etiam est τὸ καλὰπάτημα πάντων ὑπὸ τὰ ἴχνη ἢ ἔμπαιγμα.  
Confer quoque Thren. III, 45. ubi in Ebræo est Se-hii abrasio, purgamentum  
**Loth auff den Bassen**/ uti Jes. V, 25. & Ma-os (allusivè **eine tode Maus/  
ein Nas**/ & eadem allusione, idem cum Mûm seu Me-ûm μῶμ & macula, &  
Moz, gluma) nomen infinitivum, aspernabile, Agellij verbo, προπηλακισέον per  
πηλακισμόν, **da man einen mit Drecke wirfft.** (12) Galat. ubi suprâ v. 16.  
(13) Vides Petri Apostoli ὑπογραμμὸν & τὰ τῶ Χριστῶ ἴχνη, οἷς ἐπακολοθησῆσθε I. e-  
pist. II, 21. (14) I. Cor. II, 2. seqq. (15) Roman. IIX, 31. seqq. (16) **Slut** Psalm. XLII,  
8. LXIX, 3. XXCIIX, 8. Jon. IV, 4.